

- 1' Wer buwen will / der schlag vor an
- 2' Was kostens er dar zû müß han
- 3' Er würt sunst vor dem end abstan



von narrechtem anflag

- 1 Der ist eyn narr der buwen wil
- 2 Vnd nit vor hyn anschlecht wie vil
- 3 Das kosten werd / vnd ob er mag
- 4 Volbringen solchs / noch sym anschlag

5 Vil hant groß buw geschlagen an
 6 Vnd möchten nit dar by bestan
 7 Der künig Nabuchodonosor
 8 Er hüb jn hochfart sich entbor
 9 Das er Babylon die grosse statt
 10 Durch synen gwalt gebuwen hat
 11 Vnd kam jm doch gar bald dar zů
 12 Das er jm feld bleib / wie eyn kü
 13 Nemroth wolt buwen hoch jn lufft
 14 Eyn grossen thurn für wassers klüfft
 15 Vnd schlüg nit an das jm zů schwår
 16 Syn buwen / vnd nit möglichen wår
 17 Es buwt nit yeder so vil vß
 18 Als vor zytten dett Lucullus
 19 Wer buwen will / das jn nit ruw
 20 Der bdenck sich wol / ee dann er buw
 21 Dann manchem kumbt syn ruw zů spat
 22 So jm der schad jnn seckel gat /
 23 Wer ettwas groß will vnderstan
 24 Der soll syn selbst bewerung han
 25 Ob er mög kumen zů dem stat
 26 Den er jm für genomen hatt
 27 Do mit jm nit eyn glück zů fall
 28 Vnd werd zů spot den menschen all /
 29 Vil wåger ist / nüt vnderstan
 30 Dann mit schad / schand / gespõt ablan /
 31 Pyramides die kosten vil
 32 Vnd Labrynthus by dem Nyl /
 33 Doch ist es als nún langst do hyn
 34 Keyn buw mag lang vff erd hie syn /

32 Labrynthus *GW5046 GW5047*] Labyrinthus *GW5041*